

Արձանագրություն 4

Տաշիր համայնքում 2026թ.-ին ստեղծված մասնակցային բյուջետավորման գործընթացի կառավարման հանձնաժողովի Հանրային քննարկումների և լուսմների փուլի արդյունքների նիստի

Ք. Տաշիր

24/02/2026թ., 10:00

Մասնակցում էին՝

Հանձնաժողովի նախագահի տեղակալ՝

Նաթելլա Մուրադյանը - Համայնքապետարանի աշխատակազմի Ֆինանսատնտեսագիտական, եկամուտների հաշվառման և հավաքագրման բաժնի պետ,

Հանձնաժողովի անդամներ՝

Ասյա Հարությունյան - Համայնքապետարանի աշխատակազմի Սոցիալական աջակցության, առողջապահության, սպորտի, մշակույթի, երիտասարդության և կրթության բաժնի պետ,

Սևադա Սարգսյան - Համայնքի ղեկավարի խորհրդական,

Խաչեն Մանուկյան - «Տաշիրի կոմունալ տնտեսություն և բարեկարգում» ՀՈԱԿ-ի տնօրեն

Համայնքի ակտիվ բնակիչ՝

Ինեսա Խանադյան

Հանձնաժողովի քարտուղար՝

Աստղիկ Բարոյան - Համայնքապետարանի աշխատակազմի Չարգացման ծրագրերի, առևտրի, սպասարկման, գովազդի և տուրիզմի բաժնի առաջատար մասնագետ

Օրակարգ

Տաշիր համայնքում մասնակցային բյուջետավորման գործընթացի շրջանակներում հանրային քննարկումների և լուսմների փուլի արդյունքների ավարտի ամփոփում:

Լսեցին՝

1. Հանձնաժողովի նախագահի տեղակալ Նաթելլա Մուրադյանին՝

- ողջունեց հանձնաժողովի անդամներին, ներկայացրեց ստացված առաջարկների քվեարկության հետ կապված տեղեկատվությունը:

- Ներկայացրեց քննարկումների մասին տեղեկատվություն, որը արվել է Ա՝ օկլայն, և՛ օֆֆլայն ձևաչափով:

-Արձանագրեց, որ ներկայացված «Տարեցների համար ժամանցի կենտրոնների ցանցի ստեղծում» առաջարկը, որով առաջարկվում էր համայնքի բոլոր բնակավայրերում ստեղծել տարեցների համար ժամանցի կենտրոններ, հավաքել է 417 ձայն, իսկ «Տաշիրի արդիական դիմագիծ. Մ3 մայրուղու հարակից շենքերի ֆասադների փոխարինում և պատշգամբների ոճային վերակառուցում», որով առաջակվել է Տաշիրի Երևանյան փողոցի, նույն ինքը Մ3 մայրուղու շենքերի ֆասադների և պատշգամբների ոճային վերակառուցում, հավաքել է 534 ձայն:

-Նշեց, որ համայնքում քվեարկության իրավունք ունեցողների՝16 տարին լրացած անձանց թիվը, ըստ ռեգիստրի տվյալների, կազմում է 24982 մարդ, որի 2%-ը կլինի 500 մարդ, սակայն ընդհանուր քվեարկողները եղել են 951 անձ: Մոտ 3 անգամ ավել մարդ է քվեարկությանը մասնակցել նախորդ տարվա համեմատ:

-Կարևոր է նաև արձանագրել առաջացած խնդիրները՝ հաջորդ տարիներին դրանցից խուսափելու համար: Օրինակ, տարեց մարդիկ մեծ ցանկություն ունեն մասնակցելու, սակայն առանց երիտասարդների օգնության չեն կարողանում գրանցվել, և SMS-ի ստացման խնդիրը, որը, թերևս, տարածքը սպասարկող օպերատորներից մեկ հետ էր միայն:

-Կարևոր է նշել, որ այս տարի բոլոր բնակավայրերը ավելի ակտիվ են եղել, քան նախորդ տարում:

-Արձանագրեց հանրային քննարկումների և լսումների փուլի ավարտը:

Լսելով հանձնաժողովի նախագահի տեղակալի ներկայացրած տեղեկատվությունը, քննարկելով հետագա անելիքները, Տաշիր համայնքի մասնակցային բյուջետավորման գործընթացի կառավարման հանձնաժողովը

ՈՐՈՇԵՑ

1. Մասնակցային բյուջետավորման գործընթացի հանրային քննարկումների և լսումների փուլի համարել ավարտված՝ դրական արդյունքներով,

2. Սկսել իրականացման փուլը՝ ժամկետը նշանակելով սույն թվականի մարտի 1-ից մինչև դեկտեմբերի 18-ը:

Հանձնաժողովի նախագահի տեղակալ՝

Ն. Մուրադյան

Հանձնաժողովի քարտուղար՝

Ա. Բարոյան